

**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ**

**ДАВЛАТ ОРГАНЛАРИ ВА ТАШКИЛОТЛАРИНИНГ ФАОЛИЯТИ ОЧИҚЛИГИНИ
ТАЪМИНЛАШ, ШУНИНГДЕК, ЖАМОАТЧИЛИК НАЗОРАТИНИ САМАРАЛИ
АМАЛГА ОШИРИШГА ДОИР ҚЎШИМЧА ЧОРА-ТАДБИРЛАР ТЎҒРИСИДА**

Давлат органлари ва ташкилотлари фаолиятининг очиқлиги ва шаффоғлигини, ахборот олиш эркинлигини таъминлаш орқали жамоатчилик назоратини такомиллаштириш, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича **Ҳаракатлар стратегиясида** белгиланган вазифаларни амалга ошириш мақсадида:

1. Барча давлат ҳокимияти ва бошқаруви органлари, шу жумладан Ҳисоб палатаси, Марказий банк, суд ва прокуратура органлари ҳамда уларнинг таркибий ва ҳудудий бўлинмалари, шунингдек, устав фондида (устав капиталида) давлат улуши 50 фоиз ва ундан ортиқ бўлган хўжалик жамиятлари ҳамда давлат унитар корхоналари (кейинги ўринларда — давлат органлари ва ташкилотлари) томонидан Очик маълумотлар сифатида жойлаштирилиши керак бўлган ижтимоий аҳамиятга молик маълумотлар рўйхати **1-иловага** мувофиқ тасдиқлансан.

Коррупцияга қарши курашиш агентлиги (кейинги ўринларда — Агентлик) Адлия вазирлиги ҳамда тегишли вазирлик ва идоралар билан биргаликда таҳлиллар асосида давлат органлари ва ташкилотлари томонидан Очик маълумотлар сифатида жойлаштирилиши керак бўлган ижтимоий аҳамиятга молик маълумотлар рўйхатини янада кенгайтириш бўйича доимий равишда Ўзбекистон Республикаси Президенти Администрациясига таклифлар киритиб борсин.

2. Шундай тартиб ўрнатилсинки, унга мувофиқ давлат органлари ва ташкилотлари:

а) ҳар йили:

1 марта қадар ўз фаолиятига оид ҳисботни (давлат сирлари ва хизматда фойдаланиш учун мўлжалланган маълумотлар бундан мустасно) расмий веб-сайтларига жойлаштириб, 10 марта қадар уни кенг жамоатчилик иштирокида муҳокама қилиш жойи ва вақти ҳақида хабар беради;

1 апрелга қадар ўз фаолиятига оид ҳисботни кенг жамоатчилик иштирокида муҳокама қилиш учун матбуот анжуманларини ўтказади;

б) 2021 йил 1 июлдан бошлаб қўйидагилар тўғрисидаги маълумотларни Ўзбекистон Республикасининг Очик маълумотлар порталига (кейинги ўринларда — Портал) ва ўз расмий веб-сайтларига жойлаштириб, уларни ҳар чорақда янгилаб боради:

амалга оширилган давлат харидлари, шу жумладан тўғридан-тўғри шартномалар бўйича харид қилинадиган товарлар (ишлар, хизматлар);

мансадбор шахсларнинг хизмат сафарлари ва хориждан ташриф буюрган меҳмонларни кутиб олиш харажатлари (хизмат сафарининг ёки ташрифнинг мақсади, суткалик пул, транспорт ва яшаш билан боғлиқ харажатлар, бундан давлат сирлари ва хизматда фойдаланиш учун мўлжалланган маълумотлар мустасно);

Ўзбекистон Республикаси Президенти, Вазирлар Маҳкамаси ҳужжатлари билан солиқ ва божхона имтиёzlари ҳамда преференциялар, шу жумладан индивидуал имтиёzlар берилган субъектларнинг бенефициарлари (якуний манфаатдор жисмоний шахслари), улар томонидан тўланган солиқлар ва молиявий кўрсаткичлар;

ўзларининг йиллик харажатлар сметаси ва унинг ижроси, шу жумладан обьектларни қуриш, реконструкция қилиш ва капитал таъмирлаш ишлари, автомототранспорт воситаларини сотиб олиш харажатлари;

в) 2021 йил 1 июлдан бошлаб ўз хузурида фаолият юритувчи жамоатчилик кенгашлари билан биргаликда расмий веб-сайтларида қўйидаги маълумотларни жойлаштириб, уларнинг ҳар чорақда янгиланиб борилишини таъминлайди;

жамоатчилик кенгашининг тасдиқланган аъзолари ҳақидаги маълумотлар билан бир қаторда уларнинг алоқа маълумотлари (телефон, поча ва электрон манзиллари);

жамоатчилик кенгашининг йиғилишлари ва кун тартибидаги масалалар;

давлат харидларини амалга оширувчи комиссиянинг тасдиқланган аъзолари тўғрисидаги маълумотлар (фамилияси, исми ва отасининг исми, иш жойи ва эгаллаб турган лавозими);

лицензия ва рухсат этиш хусусиятига эга ҳужжатларни беришга ваколатли ҳамда хабарномаларни қабул қиласиган органларнинг ҳудудлар кесимида масъул ходимлари, шу жумладан ушбу тоифадаги ҳужжатларни беришни ташкиллаштирадиган тегишли комиссия аъзолари тўғрисидаги маълумотлар (фамилияси, исми ва отасининг исми, эгаллаб турган лавозими).

3. Олий ва ўрта маҳсус таълим вазирлиги, Вазирлар Маҳкамаси ҳузуридаги Таълим сифатини назорат қилиш давлат инспекцияси ва Давлат тест марказининг қўйидаги имтиҳонларни ўтказиш жараёнини Интернет тармоғида жонли эфирга узатиш тартибини жорий этиш тўғрисидаги таклифи маъқуллансин:

олий таълим муассасаларининг бакалавриат таълим йўналишларига кириш учун тест ва ижодий (касбий) имтиҳонлар;

олий таълим муассасаларининг магистратура (клиник ординатура) босқичига қабул имтиҳонлари;

республикадаги ёки хориждаги олий таълим муассасасидан республикадаги давлат олий таълим муассасасига ўқишини кўчириш истагини билдирган талабалардан олинадиган имтиҳонлар;

хорижий давлатларда таълим олганлик тўғрисидаги ҳужжатларни тан олишда талабгорлардан олинадиган тест синовлари.

Олий ва ўрта маҳсус таълим вазирлиги Давлат тест маркази, Вазирлар Маҳкамаси ҳузуридаги Таълим сифатини назорат қилиш давлат инспекцияси ҳамда Ахборот технологиялари ва коммуникацияларини ривожлантириш вазирлиги билан биргаликда:

тизимида олий таълим муассасалари бўлган вазирликлар ва идораларни жалб қилган ҳолда 2021/2022 ўкув юли қабулига қадар «transfer.edu.uz» платформаси негизида мазкур бандда кўрсатилган имтиҳон жараёнларини Интернет тармоғида жонли эфирга узатишни таъминлайдиган, барча фойдаланувчилар учун очик бўлган «imtihon.uz» веб-платформасини ишга туширсин;

бир ой муддатда имтиҳонларни (тест синовларини) ўтказиш жараёнини Интернет тармоғида жонли эфирга узатиш бўйича техник талабларни (ўрнатиладиган видеокамералар ва тасвир сифати, жойлашиш схемаси ва бошқалар) ишлаб чиқсан;

мазкур бандда кўрсатиб ўтилган талабларга риоя қилмайдиган масъулларга нисбатан қатъий жавобгарлик чораларини кўриш бўйича таклифларни Ўзбекистон Республикаси Президенти Администрацияси ва Ҳукуматга киритиб борсин.

4. Қўйидагилар 2021 йил 1 июлдан бошлаб қайд этилган маълумотларни Порталга жойлаштириш ва уларнинг ҳар чоракда янгиланишини таъминласин:

Ҳисоб палатаси, Молия вазирлиги, назорат қилувчи органлар — давлат сири бўлган маълумотларнинг ёки қонун билан қўриқланадиган бошқа сирнинг муҳофаза қилинишини таъминлаган ҳолда ўтказилган ҳар бир тафтиш ва текширув (назорат обьекти номи, тафтиш ёки текширувнинг мақсади ва муддатлари, уни ўтказган давлат хизматчисининг лавозими, фамилияси, исми) тўғрисидаги маълумотларни (тегишли назорат қилувчи органнинг раҳбарини хабардор этгандан сўнг);

Давлат активларини бошқариш агентлиги — устав фондида (устав капиталида) давлат улуши 50 фоиз ва ундан ортиқ бўлган юридик шахслар ҳамда давлат унитар корхоналари (кейинги ўринларда — давлат иштирокидаги корхоналар) рўйхатини (давлат номидан акциядор (иштирокчи, мулкдор) функцияларини амалга ошираётган ташкилот, корхона ҳудуди, солик тўловчининг идентификация рақами, давлат улуши тўғрисидаги маълумотларни кўрсатган ҳолда), шунингдек, устав фондининг (устав капиталининг) 50 фоизи

ва ундан ортиғи давлат иштирокидаги корхоналарга тегишли бўлган юридик шахслар рўйхатини;

Молия вазирлиги, Давлат активларини бошқариш агентлиги, вазирлик ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимларли — ўзлари акциядор (иштирокчи, мулкдор) функцияларини бажарувчи давлат иштирокидаги корхоналарнинг ижроия органи (директор, бошқарув раиси, бошқарув аъзолари) ва кузатув кенгаши аъзоларининг исми ва фамилияси тўғрисидаги маълумотларни;

Давлат солик қўмитаси — давлат иштирокидаги корхоналар томонидан йил (чорак) якуни бўйича тўланган дивидендлар тўғрисидаги маълумотларни;

Молия вазирлиги — давлат иштирокидаги корхоналарга сарфланган Давлат бюджети маблағлари, тегишлича хориждан жалб этилган маблағлар, шу жумладан давлат ташки қарзи суммалари ҳамда уларнинг сарфланиши тўғрисидаги маълумотларни;

Давлат активларини бошқариш агентлиги — давлат муассасалари рўйхатини (ташкил топган санаси, юқори турувчи орган) ҳамда хусусийлаштирилган давлат мулки обьектлари тўғрисидаги маълумотларни (давлат сирини ташкил этувчи маҳфий вазифа юклатилган давлат корхоналари ва муассасалари бундан мустасно).

5. Молия вазирлиги Ахборот технологиялари ва коммуникацияларини ривожлантириш вазирлиги, манфаатдор вазирлик ва идоралар билан биргаликда 2021 йил 1 сентябрга қадар Порталнинг давлат харидлари бўйича маҳсус ахборот портали билан интеграция килинишини таъминласин.

6. Экология ва атроф-муҳитни муҳофаза қилиш давлат қўмитаси 2021 йил 1 августга қадар доимий равиша янгилаб туриладиган Ов қилиш ва овчилик хўжаликлири тўғрисидаги ахборот базасини Кўмитанинг расмий веб-сайтида ва Порталда ишга туширсин.

Бунда, Экология ва атроф-муҳитни муҳофаза қилиш давлат қўмитаси Ўрмон хўжалиги давлат қўмитаси билан биргаликда «Ов қилиш ва овчилик хўжалиги тўғрисида»ги Қонуннинг [36-моддасида](#) кўрсатилган маълумотлар билан бир қаторда қуйидаги маълумотлар мазкур ахборот базасида акс эттирилишини таъминласин:

овчилик хўжалигини юритиш учун ов қилиш жойларини бериш тўғрисидаги тузилган барча шартномалар, овчилик хўжалигини юритиш хуқуқи тугатилган ҳолатлар ҳамда ундирилган хақ микдорлари;

ёввойи ҳайвонларни тутишга доир рухсатнома берилган барча шахслар ва рухсатномадаги маълумотлар ҳамда ундирилган хақ микдорлари;

Ўзбекистон Республикасининг Қизил китобига киритилган ёввойи ҳайвонларни табиий муҳитдан ажратиб олишга доир берилган барча рухсатномалар ва улардаги маълумотлар ҳамда ундирилган хақ микдорлари;

Ўрмон хўжалиги давлат қўмитасининг ўрмон-овчилик хўжаликлири томонидан берилган овчилик йўлланмалари (ёввойи ҳайвонларни тутиш карточкаси) ҳамда ундирилган хақ микдорлари.

7. Агентликнинг давлат органлари ва ташкилотларининг фаолияти очиқлигини таъминлаш борасидаги вазифаларини белгилаш мақсадида:

а) Агентлик зиммасига қуйидаги қўшимча вазифалар юклатилсин:

давлат органлари ва ташкилотлари фаолиятининг очиқлигини таъминлаш соҳасини мувофиқлаштириш ва доимий мониторинг қилиш, шу жумладан уларнинг норматив-хуқуқий ҳужжатлар билан белгиланган маълумотларни Интернет тармоғига жойлаштириш (эълон қилиш) бўйича мажбуриятлари ҳисобини юритиш;

давлат органлари ва ташкилотлари фаолияти устидан оммавий ахборот воситалари орқали самарали жамоатчилик назоратини ўрнатиш бўйича чораларнинг ишлаб чиқилиши ва жорий этилишига кўмаклашиш;

жисмоний ва юридик шахсларнинг мурожаатларидан келиб чиқувчи давлат органлари ва ташкилотлари фаолиятининг очиқлиги ва шаффоғлигига оид долзарб масалаларни «Mening fikrim» веб-портали орқали умумхалқ муҳокамасига чиқариш;

Очиқ маълумотлар сифатида жойлаштирилиши керак бўлган ижтимоий аҳамиятга молик маълумотлар рўйхатини узлуксиз тўлдириш, такомиллаштириб бориш ва янгилаб бориш бўйича таклифлар ишлаб чиқиши ҳамда уларни амалга оширишга кўмаклашиш;

оммавий ахборот воситалари орқали давлат органлари ва ташкилотлари хизматчиларига «давлат органлари фаолияти очиқлиги, шаффоғлиги ва ҳисобдорлиги» маданиятини сингдириш ҳамда давлат органлари ва мансабдор шахслар халқ олдида ҳисобдорлигини таъминлаш муҳимлиги тўғрисида тушунтириш ишлари олиб борилишини ташкил этиш;

б) Агентлик тузилмасида бошқарув ходимларининг умумий чекланган сони ва меҳнатга ҳақ тўлаш фонди доирасида Давлат органлари ва ташкилотлари фаолияти очиқлигини таъминлаш бошқармаси ташкил этилсин;

в) Агентлик:

давлат органлари ва ташкилотларининг очиқликка оид қонунчилик ҳужжатларида кўрсатилган талабларни мунтазам равишда бузаётган айбор мансабдор шахсларини жавобгарликка тортиш бўйича Ўзбекистон Республикаси Президенти Администрацияси ва Вазирлар Маҳкамасига таклифлар киритиб борсин;

хар йили фаолият йўналиши бўйича эришган асосий ютуқлар ҳамда давлат органлари ва ташкилотлари фаолиятида учраётган камчиликлар юзасидан Ўзбекистон Республикаси Президентига ахборот тайёрласин ва ўз расмий веб-сайти орқали эълон қилиб борсин;

«Давлат ҳокимияти ва бошқарувি органлари фаолиятининг очиқлиги тўғрисида»ги **Қонун** амалга оширилиши устидан назоратни, шунингдек, Жаҳон одил судлов лойиҳасининг «Ҳукуматнинг очиқлиги» индикатори бўйича Ўзбекистон Республикасининг ўрнини яхшилашга оид комплекс чора-тадбирларни амалга оширсин.

8. Давлат органлари ва ташкилотларининг ахборот хизматлари ҳамда мурожаатлар билан ишлаш бўлинмаларига мазкур органларда очиқликка оид қонунчилик ҳужжатларининг ижро этилишини ўз вақтида ва сифатли таъминлаш вазифаси юклатилсин.

9. Давлат хавфсизлик хизмати Адлия вазирлиги, Агентлик ҳамда бошқа манфаатдор вазирлик ва идоралар билан биргаликда уч ой муддатда қуидагиларни назарда тутувчи «Давлат сирларини сақлаш тўғрисида»ги янги таҳрирдаги қонун лойиҳасини ишлаб чиқсин ва белгиланган тартибда киритилишини таъминласин:

чеклаб қўйилган ахборотлар рўйхати, ундан фойдаланиш ва маълумотларни бундай ахборотлар жумласига киритиш ҳамда чиқариш асослари, муддатлари ва тартиби;

чеклаб қўйилган ахборотлар рўйхатига кирмайдиган маълумотларни маҳфийлаштиришни тақиқлаш;

чеклаб қўйилиши фуқароларнинг шахсий хавфсизлигига таҳдид соладиган ахборотларнинг давлат сирларига киритилишини ман этиш;

фуқаролар, давлат органлари ва бошқа ташкилотларнинг давлат хизматчилари, чет эл фуқаролари ва фуқаролиги бўлмаган шахсларга давлат сирини ташкил этувчи маълумотлар билан ишда фойдаланишга ижозатни расмийлаштириш шартлари ва тартиблари;

ахборот-коммуникация технологияларининг ривожланиши ва илғор тенденцияларни ҳисобга олган ҳолда давлат сирларини сақлашнинг замонавий механизмларини ишлаб чиқиши ва такомиллаштириш.

10. Давлат органлари ва ташкилотлари фаолиятида очиқлик даражасини янада ошириш бўйича «Йўл харитаси» **2-иловага** мувофиқ тасдиқлансин.

11. Агентлик Ахборот ва оммавий коммуникациялар агентлиги, Адлия вазирлиги, Давлат статистика қўмитаси билан биргаликда 2021 йил 1 октябрга қадар давлат органлари ва ташкилотларида очиқликни таъминлаш бўйича фаолиятни тартибга солувчи, шу жумладан мониторинг ўтказиши, амалга оширилаётган ишларнинг самарадорлиги ва натижадорлигини баҳолаш, очиқлик индексини ҳисоблашга қаратилган Давлат органлари ва ташкилотлари фаолияти очиқлигини мониторинг қилиш ва баҳолаш бўйича методикани ишлаб чиқсин ва белгиланган тартибда киритсин.

12. Белгилаб қўйилсинки, 2021 йил 1 декабрдан бошлаб:

мазкур Фармоннинг **11-бандида** кўрсатилган методика асосида ҳар йил якуни бўйича давлат органлари ва ташкилотлари фаолиятининг Очиқлик индекси аниқланади;

Агентлик Ахборот ва оммавий коммуникациялар агентлиги ҳамда Адлия вазирлиги билан биргаликда белгиланган тартибда давлат органлари ва ташкилотлари фаолиятининг Очиқлик индексини аниқлаш бўйича чораларни кўради, натижаларни ўз расмий веб-сайтлари ва оммавий ахборот воситалари орқали оммага етказилишини таъминлади.

13. Олий Мажлис палаталарига ўз расмий веб-сайтларида қўйидаги маълумотларни жойлаштириш тавсия этилсин:

парламент назорати обьектларининг ҳисоботларини эшишиш натижалари бўйича қабул қилинган қарорлар;

Конунчилик палатасида депутатнинг ҳар бир қонун (қарор) лойиҳасини қабул қилиш ёки рад этишдаги, сенаторнинг ҳар бир қонунни (қарорни) маъқуллаш ёки рад этишдаги иштироки тўғрисидаги маълумотлар;

Олий Мажлис Сенати аъзоси, Олий Мажлис Конунчилик палатаси, Қорақалпоғистон Республикаси Жўқорғи Кенгеси, халқ депутатлари вилоятлар ҳамда Тошкент шаҳар, туман ва шаҳар Кенгашлари депутатлари, сайлов округлари ҳамда уларнинг электрон почта манзиллари ҳакидаги маълумотлар.

14. Ўзбекистон Миллий телерадиокомпанияси ва Агентлик:

а) Ўзбекистон Миллий ахборот агентлиги билан биргаликда оммавий ахборот воситаларида мазкур Фармоннинг мақсад ва вазифаларини ёритишга оид мақолалар ва телекўрсатувларни ташкил этсин;

б) манбаатдор давлат органлари ва ташкилотлар билан биргаликда 2021 йил 1 декабрдан бошлаб қўйидаги тадбирлар телеканаллар, шунингдек, Интернет тармоғи орқали жонли эфирга узатилишини таъминласин:

Олий Мажлис Конунчилик палатаси ва Сенати мажлислари, Қорақалпоғистон Республикаси Жўқорғи Кенгеси, халқ депутатлари вилоят, туман, шаҳар Кенгаши сессиялари (ёпиқ мажлислар бундан мустасно);

тарафларнинг розилиги билан фуқаролар хукуқ ва эркинликлари ҳамда жамоат тартибига тажовуз қилувчи, аҳоли соғлигини сақлаш, экология, атроф-муҳитни муҳофаза қилиш ва табиатдан фойдаланиш соҳасидаги, шу жумладан давлат хизматчиларининг касбий фаолияти билан боғлик хукуқбузарликларга оид ишлар, шунингдек, айrim оиласиб низоларга оид фуқаролик ишлари бўйича суд мажлислари (ёпиқ суд мажлислари бундан мустасно).

15. Мазкур Фармонда кўрсатилган қоида ва тартибларнинг бузилиши давлат органлари ва ташкилотлари фаолиятининг очиқлиги тўғрисидаги қонунчилик бузилиши сифатида баҳолансин.

16. Ахборот ва оммавий коммуникациялар агентлиги Агентлик, Иқтисодий тараққиёт ва камбағалликни қисқартириш вазирлиги, Давлат статистика қўмитаси, Адлия вазирлиги ва бошқа манбаатдор вазирлик ва идоралар билан биргаликда халқаро стандартларни инобатга олган ҳолда:

2022 йил 1 январга қадар «Давлат ҳокимияти ва бошқаруви органлари фаолиятининг очиқлиги тўғрисида»ги янги таҳрирдаги қонун лойиҳаси концепциясини;

2022 йил 1 апрелга қадар ушбу қонун лойиҳасини ишлаб чиқсин ҳамда белгиланган тартибда Ўзбекистон Республикаси Президенти Администрациясига киритсин.

17. Агентлик Адлия вазирлиги ҳамда бошқа манбаатдор вазирлик ва идоралар билан биргаликда икки ой муддатда қонунчилик ҳужжатларига мазкур Фармондан келиб чиқадиган ўзгартириш ва қўшимчалар тўғрисида таклифлар киритсин.

18. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти Администрацияси раҳбари З.Ш. Низомиддинов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент ш.,
2021 йил 16 июнь,

Ўзбекистон Республикаси Президентининг 2021 йил 16 июндаги ПФ-6247-сон **Фармонига**
1-ИЛОВА

**Очиқ маълумотлар сифатида жойлаштирилиши керак бўлган ижтимоий аҳамиятга
 молик маълумотлар**

РЎЙХАТИ

T/p	Ахборотнинг тури, тоифалар номланиши (параметрлар)	Маълумот жойлаштирилган ресурс	Тақдим этиш ва янгилаш муддати	Жойлаштириш учун масъул давлат органлари ва ташкилотлари
1.	Давлат органлари ва ташкилотларининг ўз фаолиятига оид ҳисоботи (давлат сирлари ва хизматда фойдаланиш учун мўлжалланган маълумотлар бундан мустасно).	Расмий веб-сайтлар	Ҳар иили 1 марта қадар	Давлат органлари ва ташкилотлари
2.	Ўзбекистон Республикаси Президенти, Вазирлар Маҳкамаси ҳужжатлари билан солик ва божхона имтиёзлари ҳамда преференциялар, шу жумладан индивидуал имтиёзлар берилган субъектлар, уларнинг якуний бенефициар (фойда олувчи) жисмоний шахслари, уларнинг тўлаган солиқлари ва молиявий тўғрисидаги ахборотлар.	Очиқ маълумотлар портали, расмий веб-сайтлар	ҳар чорақда	Давлат солик қўмитаси, Давлат божхона қўмитаси, Молия вазирлиги
3.	Давлат харидлари тўғрисидаги маълумотлар, шу жумладан давлат харидларини амалга оширувчи шахслар томонидан тўғридан-тўғри шартномалар бўйича харид килинадиган товарлар (ишлар, хизматлар).	Очиқ маълумотлар портали, расмий веб-сайтлар	ҳар чорақда	Давлат органлари ва ташкилотлари
4.	Мансабдор шахсларнинг хизмат сафарлари ва хориждан ташриф буюрган меҳмонларни кутиб олиш харажатлари (хизмат сафарининг ёки ташрифнинг максади, суткалик пул, транспорт ва яшаш билан боғлик харажатлар (давлат сирлари ва хизматда фойдаланиш учун мўлжалланган маълумотлар бундан мустасно).	Очиқ маълумотлар портали, расмий веб-сайтлар	ҳар чорақда	Давлат органлари ва ташкилотлари
5.	Давлат бюджети, давлат мақсадли жамғармалари ҳамда бюджет ташкилотларининг бюджетдан ташқари жамғармалари ҳисобига харид қилиниши режалаштирилган	Расмий веб-сайтлар	доимий равишда	Давлат органлари ва ташкилотлари

	товарлар (ишлар, хизматлар) түғрисидаги маълумотлар (харид эълон қилинишидан камида б ой олдин).			
6.	Давлат харидлари ва инвестиция лойиҳалари доирасида ҳамда рухсат этиш хусусиятига эга ҳужжатларни бериш бўйича ташкил этиладиган харид комиссияларининг таркиби түғрисидаги маълумотлар, шу жумладан: харид комиссияси таркибини тасдиқлаш ҳақидаги қарор; харид комиссияси аъзоларининг маълумотлари (фамилияси, исми ва отасининг исми, иш жойи ва эгаллаб турган лавозими).	Расмий веб-сайтлар	доимий равища	Давлат органлари ва ташкилотлари
7.	Давлат сири бўлган маълумотларнинг ёки қонун билан кўриқланадиган бошқа сирнинг муҳофаза қилинишини таъминлаган ҳолда тегишлича ўтказилган ҳар бир тафтиш ва текширув (назорат обьекти номи, назорат тадбирининг мақсади ва муддатлари, уни ўтказган давлат хизматчисининг лавозими, фамилияси, исми) түғрисидаги маълумотлар (тегишли назорат қилувчи органнинг раҳбарини хабардор этгандан сўнг).	Очиқ маълумотлар портали	хар чорақда	Ҳисоб палатаси, Молия вазирлиги, назорат қилувчи органлар
8.	Устав фондида (устав капиталида) давлат улуши 50 фоиз ва ундан ортиқ бўлган юридик шахслар ҳамда давлат унитар корхоналари (кейинги ўринларда — давлат иштирокидаги корхоналар) рўйхати (давлат номидан акциядор (иштирокчи, мулкдор) функцияларини амалга ошираётган ташкилот, корхона ҳудуди, солиқ тўловчининг идентификация рақами, давлат улуши түғрисидаги маълумотларни кўрсатган ҳолда), шунингдек, устав фондининг (устав капиталининг) 50 фоизи ва ундан ортиғи давлат иштирокидаги корхоналарга тегишли бўлган юридик шахслар рўйхати.	Очиқ маълумотлар портали	хар чорақда	Давлат активларини бошқариш агентлиги
9.	Ўзлари акциядор (иштирокчи, мулкдор) функцияларини бажарувчи давлат иштирокидаги корхоналарнинг ижроия органи	Очиқ маълумотлар портали	хар чорақда	Молия вазирлиги, Давлат активларини бошқариш

	(директор, бошқарув раиси, бошқарув аъзолари) ва кузатув кенгаши аъзоларининг исми ва фамилияси тўғрисидаги маълумотлар.			агентлиги, вазирлик ва идоралар, Корақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
10.	Давлат иштирокидаги корхоналар, шунингдек, ушбу корхоналарга тегишли бўлган юридик шахслар тасарруфидаги енгил автомобиллар, хизмат уйлари ва бошқа кўчмас мулклар тўғрисидаги маълумотлар.	Очиқ маълумотлар портали, расмий веб-сайтлар	хар чоракда	Молия вазирлиги, Давлат активларини бошқариш агентлиги, Кадастр агентлиги, Давлат солик қўмитаси, вазирлик ва идоралар, Корақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
11.	Давлат иштирокидаги корхоналар томонидан йил (чорак) якуни бўйича тўланган дивидендлар тўғрисидаги маълумотлар.	Очиқ маълумотлар портали	хар чоракда	Давлат солик қўмитаси
12.	Давлат иштирокидаги корхоналарга сарфланган Давлат бюджети маблағлари, тегишлича хориждан жалб этилган маблағлар, шу жумладан давлат ташқи қарзи суммалари ҳамда уларнинг сарфланиши тўғрисидаги маълумотлар.	Очиқ маълумотлар портали	хар чоракда	Молия вазирлиги
13.	Давлат муассасалари рўйхати (ташкил топган санаси, юқори турувчи орган) ҳамда хусусийлаштирилган давлат мулки обьектлари тўғрисидаги маълумотлар (давлат сирини ташкил этувчи маҳфий вазифа юклатилган давлат корхоналари ва муассасалари бундан мустасно).	Очиқ маълумотлар портали	хар чоракда	Давлат активларини бошқариш агентлиги
14.	Тасдиқланган йиллик харажатлар сметаси билан бир қаторда, унинг ижроси, шу жумладан обьектларни	Расмий веб-сайтлар	хар чоракда	Давлат органлари ва ташкилотлари

	қуриш, реконструкция қилиш ва капитал таъмирлаш ишлари, автомототранспорт воситаларини сотиб олиш ва сақлаш харажатлари тўғрисидаги маълумотлар.			
15.	Давлат органлари ва ташкилотлари тасарруфидаги хизмат автомототранспорт воситалари, хизмат уйлари ва бошқа кўчмас мулклар тўғрисидаги маълумотлар (тезкор-қидирув, ҳарбий ва бошқа маҳсус хизматларда фойдаланиладиган ашёлар бундан мустасно).	Очиқ маълумотлар портали, расмий веб-сайтлар	хар чоракда	Давлат органлари ва ташкилотлари
16.	Лицензия ва руҳсат этиш хусусиятига эга хужжатларни беришга ваколатли ҳамда хабарномаларни қабул қиласидиган органларнинг худудлар кесимида масъул ходимлари, шу жумладан ушбу тоифадаги хужжатларни беришни ташкиллаштирадиган тегишли комиссия аъзолари (фамилияси, исми ва отасининг исми, эгаллаб турган лавозими) тўғрисидаги маълумотлар.	Расмий веб-сайтлар, шу жумладан «licence.gov.uz» сайти	хар чоракда	Давлат органлари ва ташкилотлари
17.	Куйидаги лицензия ва руҳсат этиш хусусиятига эга хужжатлар эгаларининг исми ва фамилиялари: хусусий нотариал фаолият билан шуғулланиш; истеъмол ва техник этил спирти, алкоголь маҳсулотлари ишлаб чиқариш; банк фаолиятини амалга ошириш; маҳаллий ва халқаро йўналишлар бўйича темир йўл транспортида йўловчиларни ҳамда юкларни ташиш; фармацевтика фаолияти; кўприклар ва тоннелларни лойиҳалаштириш, қуриш, улардан фойдаланиш ва уларни таъмирлаш фаолияти; нефть, газни (шу жумладан сиқилган табиий ва суюлтирилган углеводород газини) ва газ конденсатини қазиб олиш, қайта ишлаш ҳамда реализация қилиш фаолияти; магистрал газ қувурлари, нефть қувурлари ва нефть маҳсулотлари лойиҳалаштириш,	Расмий веб-сайтлар, шу жумладан «licence.gov.uz» сайти	хар чоракда	Давлат органлари ва ташкилотлари

	қуриш, улардан фойдаланиш ҳамда уларни таъмирлаш фаолияти; импорт контрактларини экспертизадан ўтказиш ва рўйхатга олиш; давлат ўрмон фондига кирмайдиган захира ерларида пичан ўриш ва чорва молларини ўтлатиши.			
18.	Тегишлича ер қаъри участкаларидан фойдаланиш хуқуқи учун лицензиялар эгалари, тақдим этилган участка (майдонлар, фойдали қазилмалар) тўғрисидаги ва бошқа маълумотлар.	Очиқ маълумотлар портали, расмий веб-сайтлар	хар чорақда	Давлат геология ва минерал ресурслар қўмитаси, Экология ва атроф-муҳитни муҳофаза қилиш давлат қўмитаси
19.	Дарёлар ўзанларида қум-шағал материалларини қазиб олиш ишларига Фавқулодда вазиятлар вазирлиги хузуридаги «Хавфсиз дарё» давлат унитар корхонаси (хўжалик жамияти) томонидан белгиланган тартибда шартнома асосида жалб этилган тадбиркорлик субъектлари ва бошқа ташкилотлар тўғрисидаги маълумотлар.	Очиқ маълумотлар портали, расмий веб-сайт	хар чорақда	Фавқулодда вазиятлар вазирлиги
20.	Ўзбекистон Республикаси ўсимлик дунёси обьектларидан маҳсус фойдаланиш учун берилган барча рухсатномалар эгалари тўғрисидаги маълумотлар.	Очиқ маълумотлар портали, расмий веб-сайт	хар чорақда	Экология ва атроф-муҳитни муҳофаза қилиш давлат қўмитаси
21.	Ўзбекистон Республикаси давлат муҳофазасига олинган моддий маданий мерос обьектлари ҳудудида тадбиркорлик фаолиятини олиб бориш учун берилган рухсатнома эгалари тўғрисидаги маълумотлар.	Очиқ маълумотлар портали, расмий веб-сайтлар	хар чорақда	Туризм ва спорт вазирлиги, Маданият вазирлиги, Давлат активларини бошқариш агентлиги
22.	Давлат олий таълим муассасаларининг даромадлари, харажатлари тўғрисидаги маълумотлар.	Очиқ маълумотлар портали, расмий веб-сайтлар	хар чорақда	Молия вазирлиги, Олий ва ўрта маҳсус таълим вазирлиги, таркибида олий таълим муассасалари бўлган давлат органлари
23.	Қишлоқ хўжалигига мўлжалланмаган ер участкаларига мулк ёки ижара хукукини электрон	Очиқ маълумотлар	хар чорақда	Давлат активларини бошқариш

	аукцион («E-IJRO AUCTION») орқали сотиб олган шахслар тўғрисида маълумотлар.	портали, расмий веб-сайтлар		агентлиги, Давлат солиқ қўмитаси хузуридаги Кадастр агентлиги
24.	Қишлоқ хўжалигига мўлжалланган ер участкаларига ижара ҳуқуқини бериш бўйича очик танлов ғолиблари бўлган шахслар тўғрисида маълумотлар.	Очиқ маълумотлар портали, расмий веб-сайтлар	ҳар чорақда	Қишлоқ хўжалиги вазирлиги, Коргаҳпойистон Республикаси Вазирлар Кенгаши, вилоятлар ва Тошкент шаҳар ҳокимликлари
25.	Махаллий бюджетларнинг ҳар чорак якунида шакллантириладиган даромадлар ва харажатлар сметаси, режадан орттириб бажарилган қисми ва мазкур маблағлар йўналтирилган мақсадлар тўғрисидаги маълумотлар.	Расмий веб-сайтлар	ҳар чорак якунида	Коргаҳпойистон Республикаси Вазирлар Кенгаши, вилоятлар ва Тошкент шаҳар ҳокимликлари, туман ва шаҳар ҳокимликлари
26.	Куйидагилар тўғрисидаги маълумотлар: махсус автоматлаштирилган фото ва видео қайд этиш дастурий-техник воситалари ўрнатилган аниқ манзиллар; индивидуал тартибда ҳар бир дастурий-техник воситаси қайд этадиган йўл ҳаракати қоидлари бузилиши тури.	Расмий веб-сайтлар	ҳар ойда	Ички ишлар вазирлиги, Транспорт вазирлиги хузуридаги Автомобиль йўллари қўмитаси
27.	Ижтимоий нафақа ва моддий ёрдам олаётган шахслар (14 ёшгача болалари бўлган оиласарга нафақа, бола икки ёшга тўлгунига қадар уни парвариш қилиш нафақаси, кам таъминланган оиласарга моддий ёрдам ҳамда ун ва қолипли нон харид қилиш бўйича кўшимча харажатларни қоплаш учун ҳар ойлик пулли компенсацияни олаётганлар) ҳақида ҳамда ишсизлик нафақасини олаётган шахслар (фамилияси, исми ва отасининг исми, тугилган санаси) тўғрисидаги вилоят, туман, шаҳарлар кесимидағи маълумотлар.	Очиқ маълумотлар портали, расмий веб-сайтлар	ҳар чорақда	Молия вазирлиги, Бандлик ва меҳнат муносабатлари вазирлиги
28.	Уй-жой шароитларини яхшилашга муҳтоҷ бўлган шахсларнинг ипотека	Расмий веб-сайтлар	доимий равища	Иқтисодий тараққиёт ва

	кредити бўйича дастлабки бадал ва (ёки) фоизларнинг бир қисмини қоплаш учун Давлат бюджети маблағлари ҳисобидан субсидиялар ажратиш ҳақида берган аризалари рўйхати (навбати) тўғрисидаги маълумотлар.		онлайн режимда	камбағалликни қисқартириш вазирлиги, туман ва шаҳар ҳокимликлари
29.	Давлат органлари ва ташкилотлари хузуридаги жамоатчилик кенгашлари тўғрисидаги маълумотлар, шу жумладан: жамоатчилик кенгашининг тасдиқланган аъзолари ҳақидаги маълумотлар билан бир қаторда уларнинг алоқа маълумотлари (телефон, почта ва электрон манзиллари); жамоатчилик кенгашининг йиғилишлари ва кун тартибидаги масалалар.	Расмий веб-сайтлар	ҳар чорақда	Давлат органлари ва ташкилотлари
30.	Давлат органлари ва ташкилотларининг тасдиқланган ярим йиллик ва (ёки) йиллик иш режалари (давлат сирлари ва хизматда фойдаланиш учун мўлжалланган маълумотлар бундан мустасно).	Расмий веб-сайтлар	ҳар ярим йилликда (хар йили)	Давлат органлари ва ташкилотлари
31.	Давлат органларига доимий фойдаланиш учун берилган ер майдонлари ва бошқа мол-мулкларни давлат-хусусий шериклик асосида олган юридик ва жисмоний шахслар тўғрисидаги маълумотлар.	Расмий веб-сайтлар	ҳар чорақда	Давлат органлари ва ташкилотлари
32.	Вазирлар Маҳкамаси, вазирлик ва идораларнинг ташқи ёки ишончли бошқарувга берилган давлат улуши мавжуд бўлган хўжалик жамиятлари, ишончли бошқарувчи томонидан жалб қилинган тўғридан-тўғри хорижий инвестициялар тўғрисидаги маълумотлар.	Расмий веб-сайтлар	ҳар чорақда	Давлат органлари ва ташкилотлари
33.	Ов қилиш ва овчилик хўжаликлари тўғрисидаги ахборот базасида қўйидагилар ҳақидаги маълумотларни акс эттириш: овчилик хўжаликлари; ов қилиш тақиқланган жойлар; ёввойи ҳайвонларни тутишга доир ажратилган квота; овчилик хўжалигига ва инсоннинг хўжалик фаолиятига заар етказувчи	Очиқ маълумотлар портали, расмий веб-сайтлар	2021 йил 1 августдан бошлаб доимий равища	Экология ва атроф-мухитни муҳофаза қилиши давлат қўмитаси, Ўрмон хўжалиги давлат қўмитаси

<p>деб эътироф этилган ёввойи ҳайвонлар;</p> <p>муайян ов қилиш жойларида ов қилиш учун тақиқ белгиланганлиги;</p> <p>ёввойи ҳайвонларнинг айрим турларига нисбатан ов қилиш учун тақиқ белгиланганлиги;</p> <p>муайян жинсдаги ва ёшдаги ёввойи ҳайвонларга нисбатан ов қилиш учун тақиқ белгиланганлиги;</p> <p>овчилик хўжалигини юритиш учун ов қилиш жойларини бериш тўғрисидаги тузилган барча шартномалар, овчилик хўжалигини юритиш ҳуқуқи тугатилган ҳолатлар ҳамда ундирилган ҳақ миқдорлари;</p> <p>ёввойи ҳайвонларни тутишга доир рухсатнома берилган барча шахслар ва рухсатномадаги маълумотлар ҳамда ундирилган ҳақ миқдорлари;</p> <p>Ўзбекистон Республикасининг Қизил китобига киритилган ёввойи ҳайвонларни табиий мухитдан ажратиб олишга доир берилган барча рухсатномалар ва улардаги маълумотлар ҳамда ундирилган ҳақ миқдорлари;</p> <p>Ўрмон хўжалиги давлат қўмитасининг ўрмон-овчилик хўжаликлари томонидан берилган овчилик йўлланмалари (ёввойи ҳайвонларни тутиш карточкаси) ҳамда ундирилган ҳақ миқдорлари.</p>			
--	--	--	--

Ўзбекистон Республикаси Президентининг 2021 йил 16 июндаги ПФ-6247-сон Фармонига
2-ИЛОВА

Давлат органлари ва ташкилотлари фаолиятида очиқлик даражасини янада ошириш бўйича

«ЙЎЛ ХАРИТАСИ»

Т/р	Чора-тадбирлар номи	Амалга ошириш шакли	Амалга ошириш муддати	Масъул ижочилар
1.	Халқаро стандартларни инобатга олган ҳолда, шу жумладан куйидагиларни назарда тутувчи «Давлат ҳокимияти ва бошқаруви органлари фаолиятининг очиқлиги тўғрисида»ги янги таҳрирдаги қонун лойиҳасини ишлаб чиқиши:	Қонун концепцияси	2022 йил 1 январь	Ахборот ва оммавий коммуникациялар агентлиги, Коррупцияга қарши курашиш агентлиги, Давлат статистика қўмитаси, Иқтисодий

<p>«шаффоффлик, очиқлик ва хисобдорлик» тамойили остида давлат ҳокимияти ва бошқаруви органлари фаолиятининг шаффоффлиги ва очиқлигини таъминлашнинг устувор йўналишларини белгилаш;</p> <p>жисмоний ва юридик шахсларнинг ҳамда фуқаролик жамияти институтларининг давлат бошқаруvida иштирок этиш ҳуқуқини давлат ҳокимияти ва бошқаруви органлари томонидан таъминлаш;</p> <p>давлат ҳокимияти ва бошқаруви органлари маълумотлари очиқлиги презумпциясини жорий этиш, унга мувофик, қонунчилик хужжатлари билан чекланмаган ҳар қандай маълумотни очиқ маълумот хисоблаш;</p> <p>фуқаролар, тадбиркорлик субъектлари ва жамоат ташкилотлари исталган давлат ҳокимияти ва бошқаруви органларидан ўз ҳуқуқ ва манфаатларига оид маълумот ёки хужжатларни (давлат сирларидан ташқари) сўраб олишлари мумкинлиги, ушбу органлар эса бундай мурожаатни кўриб чиқишга мажбурлигини назарда тутиш;</p> <p>давлат ҳокимияти ва бошқаруви органларининг раҳбарлари ёки ахборот хизматлари раҳбарлари (матбуот котиблари) тегишлича жамият ва давлат ҳаётининг энг муҳим масалалари ҳақида оммавий ахборот воситалари, ижтимоий тармоқлар, расмий веб-сайтлар, шунингдек, бошқа ахборот ресурслари орқали, шу жумладан матбуот анжуманлари, брифинглар, медиа саёҳатлар ташкил этиш йўли билан аҳолига мунтазам, тўлиқ ва тезкор равища шахсан ахборот тақдим этиб боришини назарда тутиш;</p> <p>маҳаллий давлат ҳокимияти органлари томонидан ўзларининг фаолиятига оид маълумотларни аҳолига етказиш, шунингдек,</p>	<p>Қонун лойиҳаси</p> <p>2022 йил 1 апрель</p>	<p>тараққиёт ва камбағалликни қисқартириш вазирлиги, Адлия вазирлиги, Стратегик ва миңтақалараро тадқиқотлар институти, «Юксалиш» умуммиллий ҳаракати, манфаатдор вазирлик ва идоралар</p>
---	--	--

	маҳаллий ўзини ўзи бошқариш жараёнига фуқароларни жалб этиш учун чоралар кўриш ва кўмаклашиш.			
2.	Маъмурий жавобгарлик тўғрисидаги кодексда давлат ҳокимияти ва бошқаруви органлари фаолиятининг очиқлиги тўғрисидаги қонун хужжатларини бузганлик учун жавобгарлик белгиланишини назарда тутувчи қонун лойиҳасини ишлаб чиқиши.	Қонун лойиҳаси	2021 йил август	Коррупцияга қарши курашиш агентлиги, Адлия вазирлиги, Бош прокуратура, Олий суд, Ички ишлар вазирлиги, манфаатдор вазирлик ва идоралар
3.	<p>Халқаро стандартларни инобатга олган ҳолда, шу жумладан қуидагиларни назарда тутувчи янги таҳрирдаги «Давлат сирларини сақлаш тўғрисида»ги янги таҳрирдаги қонун лойиҳасини ишлаб чиқиши:</p> <p>чеклаб қўйилган ахборотлар рўйхати, ундан фойдаланиш ҳамда маълумотларни бундай ахборотлар жумласига киритиш ҳамда чиқариш асослари, муддатлари ва тартибини белгилаш;</p> <p>чеклаб қўйилган ахборотлар рўйхатига кирмайдиган маълумотларни маҳфийлаштиришни тақиқлаш;</p> <p>чеклаб қўйилиши фуқароларнинг шахсий хавфсизлигига таҳдид соладиган ахборотларнинг давлат сирларига киритилишини ман этиш;</p> <p>фуқаролар, давлат органлари ва ташкилотларнинг давлат хизматчилари, чет эл фуқаролари ва фуқаролиги бўлмаган шахсларга давлат сирини ташкил этувчи маълумотлар билан ишда фойдаланишга ижозатни расмийлаштириш шартлари ва тартибларини белгилаш;</p> <p>ахборот-коммуникация технологияларининг ривожланиши ва замонавий тенденцияларни хисобга олган ҳолда давлат сирларини сақлашнинг замонавий механизmlарини ишлаб чиқиш ва такомиллаштириш.</p>	Қонун лойиҳаси	2021 йил август	Давлат хавфсизлик хизмати, Вазирлар Махкамаси, Бош прокуратура, Олий суд, Ички ишлар вазирлиги, Давлат божхона қўмитаси, Давлат солик қўмитаси, Адлия вазирлиги, Коррупцияга қарши курашиш агентлиги, Ахборот ва оммавий коммуникациялар агентлиги, Стратегик ва минтақалараро тадқиқотлар институти, манфаатдор вазирлик ва идоралар
4.	Вазирлар Маҳкамасининг 2013 йил 31 декабрдаги 355-сон қарори	Вазирлар Маҳкамасининг	2021 йил сентябрь	Ахборот ва оммавий коммуникациялар

<p>билан тасдиқланган Давлат ва хўжалик бошқаруви органлари, маҳаллий давлат ҳокимияти органларининг расмий веб-сайтига қўйиладиган асосий талабларга қўйидагиларни назарда тутувчи ўзгартириш ва қўшимчалар киритиш:</p> <p>а) йил давомида ўтказиладиган ҳисбот (ҳайъат) йиғилишларининг видеоёзувлари ва улар якуни бўйича қабул қилинган қарорлар;</p> <p>б) очик маълумотлар шаклида бюджет ҳамда бюджетдан ташқари жамғармаларнинг тушумлари ва харажатлари, шунингдек, амалга оширилган давлат харидлари бўйича маълумотлар;</p> <p>в) расмий веб-сайтда жойлаштирилиши мажбурий бўлган ахборотларни янгилаб бориш даврийлиги муддатини ахборотларнинг динамик (ўзгарувчан) ва статистик турларига қараб таснифлаган ҳолда амалга ошириш;</p> <p>г) веб-сайтда коррупцияга қарши курашиш фаолияти бўйича алоҳида саҳифа ташкил қилган ҳолда, унга қўйидаги йўналишлар бўйича маълумотларни киритиб бориш:</p> <p>коррупцияга қарши курашиш сиёсати, шу жумладан ушбу йўналишда соҳага доир қабул қилинган норматив-хуқуқий хужжатлар, одоб-ахлоқ қоидалари ҳамда норматив-хуқуқий хужжатларнинг ижро ҳолати;</p> <p>соҳада коррупцияга қарши курашиш мақсадида ишлаб чиқилган дастур, чора-тадбирлар режаси ва бошқа хужжатлар;</p> <p>ички идоравий хужжатларнинг коррупцияга қарши экспертиза натижалари;</p> <p>коррупциявий хуқуқбузарлик ва жиноятлар хақидаги статистик маълумотлар (суд қарори асосида), шу жумладан кўрилган чоралар юзасидан маълумот ва ҳисботлар;</p>	<p>қарори лойиҳаси</p>	<p>агентлиги, Ахборот технологиялари ва коммуникацияларини ривожлантириш вазирлиги, Коррупцияга қарши курашиш агентлиги, Молия вазирлиги, Бош прокуратура, Олий суд, Ички ишлар вазирлиги, Адлия вазирлиги, манфаатдор вазирлик ва идоралар</p>
---	----------------------------	---

	<p>жисмоний ва юридик шахс вакиллари томонидан коррупцияга оид хукуқбузарликлар тұғрисида маълумот бериш имкониятини берувчи алоқа каналлари тұғрисида маълумот;</p> <p>үтказилган таҳлиллар ва жамоатчилик сўровлари, шу жумладан онлайн сўровнома ва унинг натижалари;</p> <p>коррупцияга нисбатан муросасиз муносабатни шакллантириш борасида тайёрланган тарғибот материаллари (слайд, ролик, маъруза матнлари, мақола, буклет, рисола ва бошқалар);</p> <p>кенг жамоатчилик ва оммавий ахборот воситалари иштирокида үтказилиши режалаштирилган семинар, тренинг, давра сұхбати, мұхокама, пресс-конференция ва бошқа тадбирлар;</p> <p>жорий этилган ички назорат (комплаенс назорат) тизими бўлинмаси томонидан амалга оширилган ишлар ва татбиқ этилган коррупцияга қарши курашиш соҳасидаги халқаро стандартлар тұғрисидаги маълумотлар.</p>			
5.	<p>Қуйидаги норматив-хуқуқий хужжатларни долзарблик ва бошқа норматив-хуқуқий ҳужжатлар билан қамраб олинганлиги нұктай назаридан танқидий ўрганиш ва заруратга кўра тегишли қарор лойиҳасини белгиланган тартибда киритиш:</p> <p>Вазирлар Маҳкамасининг 1999 йил 26 мартағи 137-сон қарори билан тасдиқланган Ўзбекистон Республикаси ахборот ресурсларини тайёрлаш ва уларни маълумотларни узатиш тармоқларида, шу жумладан Интернетда тарқатиш тартиби тұғрисидаги НИЗОМ;</p> <p>Вазирлар Маҳкамасининг 1996 йил 8 ноябрдаги 394-сон «Ўзбекистон оммавий ахборот воситаларини демократиялаштириш ва қўллаб-куватлаш ижтимоий</p>	<p>Вазирлар Маҳкамасининг қарори ложиҳаси</p>	<p>2021 йил сентябрь</p>	<p>Ахборот ва оммавий коммуникациялар агентлиги, Ахборот технологиялари ва коммуникацияларини ривожлантириш вазирлиги, Лойиҳа бошқаруви миллий агентлиги, «Киберхавфсизлик маркази» ДУК</p>

	сиёсий жамғармаси тұғрисида»ғи қарори.			
6.	Барча давлат органлари ва ташкилотларига татбіқ этиладиган давлат ҳокимияти ва бошқаруви органларыда очиқлик бүйича мониторинг үтказиши, очиқлик бүйича амалга оширилаётган ишларнинг самарадорлиги ва натижадорлигини баҳолаш, очиқлик индексини ҳисоблашга қаратылған Давлат органлари ва ташкилотлари фаолияти очиқлигини мониторинг қилиш ва баҳолаш бүйича методикани ишлаб чиқиши.	Норматив-хукуқий ҳужжат лойиҳаси	2021 йил 1 октябрь	Коррупцияга қарши курашиш агентлиги, Ахборот ва оммавий коммуникациялар агентлиги, Адлия вазирлиги, Давлат статистика құмитаси, Бөш прокуратура, Олий суд, манфаатдор вазирлик ва идоралар
7.	Қуйидагиларни назарда тутувчи Коррупцияга қарши курашиш агентлиги хузуридаги Жамоатчилик назоратини ривожлантириш жамғармаси фаолиятини ташкил этиш тұғрисидаги норматив-хукуқий ҳужжат лойиҳасини тайёрлаш: Жамғарманиң асосий вазифалари; Давлат бюджети, Қарақалпоғистон Республикасы республика бюджети, вилоятлар, Тошкент шаҳар маҳаллий бюджетлари маблағларидан ажратыладиган ажратмаларнинг аниқ миқдорларини белгилаш; жамғарма маблағларини сарфлашнинг аниқ ва шаффофтариби ва механизмлари; жамғарма даромадлари ва харажатлари бүйича ҳисобот бериш; маблағларни тақсимлашда ошкоралик ва холисликни таъминлаш; Агентлик директорига Молия вазирлиги билан келишилгандың қолда Жамғарма маблағлары ҳисобидан Агентликнинг құшымча ходимлар штат бирликларини киритиш хукуқи.	Вазирлар Маҳкамасининг қарори лойиҳаси	2021 йил август	Коррупцияга қарши курашиш агентлиги, Молия вазирлиги, Адлия вазирлиги
8.	Жамоатчилик назоратини кучайтириш мақсадида ижтимоий тармоқлардан фойдаланыш бүйича давлат хизматчилари учун қўлланмани ишлаб чиқиши ҳамда давлат ҳокимияти ва бошқаруви	Қўлланма	2021 йил сентябрь	Ахборот ва оммавий коммуникациялар агентлиги, Бөш прокуратура, Адлия вазирлиги, Давлат хавфсизлик хизмати

	органлари томонидан юритилиши тавсия этиладиган ижтимоий тармоқлар рўйхатини («Твиттер» ёки бошқалар) шакллантириши.			
9.	Жамоатчилик кенгашлари фаолиятини яхшилаш ва такомиллаштиришга қаратилган Давлат ҳокимиюти ва бошқаруви органлари ҳузуридаги жамоатчилик кенгашлари фаолияти самарадорлигини рейтинг баҳолаш методикасини ишлаб чиқиш ва тасдиқлаш.	Методика	2021 йил сентябрь	Адлия вазирлиги, Ахборот ва оммавий коммуникациялар агентлиги
10.	«Очиқ Ҳукумат ҳамкорлиги» (Open Government Partnership, OGP) халқаро ташкилотига Ўзбекистон Республикасининг аъзо бўлиш шартлари ва оқибатлари таҳлили, шунингдек, мавжуд салоҳият, хорижий давлатлар тажрибасини ҳисобга олган ҳолда асослантирилган таклифлар ишлаб чиқиш ҳамда Вазирлар Маҳкамасига киритиши.	Таклифлар	2021 йил сентябрь	Коррупцияга қарши курашиш агентлиги, Адлия вазирлиги, Молия вазирлиги, Ахборот ва оммавий коммуникациялар агентлиги, Ташқи ишлар вазирлиги, Давлат хавфсизлик хизмати, Стратегик ва минтақалараро тадқиқотлар институти, манфаатдор вазирлик ва идоралар
11.	Қуйидагиларни амалга ошириш: илғор халқаро стандартларга мувофиқ Давлат бюджети ва давлат мақсадли жамғармалари бюджетлари, чет эл давлатлари ва халқаро ташкилотлардан олинган ташқи қарзлар тўғрисидаги ахборотнинг ҳажми ва аниқ рўйхатини белгилаш, уни деталлаштирилган ҳолда жамоатчиликка етказиш чораларини кўриш; бюджет шаффоғлиги бўйича халқаро рейтингда етакчи ўринларни эгаллаб турган илғор хорижий мамлакатлар тажрибасини доимий таҳлил қилган ҳолда Ўзбекистон Республикасининг Бюджет очиқлиги индексида эгаллаган поғонасини ошириш юзасидан таклифлар тайёрлаб бориши; Open Knowledge Foundation ва бошқа шу каби халқаро ҳамда чет эл	Комплекс чоратадбирлар режаси	2021 йил август	Молия вазирлиги, Иқтисодий тараққиёт ва камбағалликни қисқартириш вазирлиги, Монополияга қарши курашиш қўмитаси, Ахборот ва оммавий коммуникациялар агентлиги, Стратегик ва минтақалараро тадқиқотлар институти, манфаатдор вазирлик ва идоралар

	ташкilotлари билан биргаликда Давлат бюджети маблағлари айланмаси очиқлиги ва шаффоғлигини таъминлашга қаратилган Open Spending (Where Does My Money Go, Citizen Budget ва бошқалар) лойиҳаларини, уларнинг амалий аҳамиятини ҳисобга олиб амалга ошириш юзасидан асослантирилган таклифлар ишлаб чиқиш ва Вазирлар Маҳкамасига киритиш; фуқаролар ва жамоат бирлашмаларини бюджет шаклланиши ва тасарруф этилиши жараёнига, шу жумладан дастлабки бюджет лойиҳаси ва аудиторлик ҳисбот мұхокамаларига реал жалб этиш механизмларини назарда тутивчи амалий чора-тадбирларни қабул қилиш.			
12.	<p>Давлат ҳокимияти ва бошқаруви органларининг фуқаролик жамияти институтлари билан самарали ҳамкорлигини кучайтириш, шу жумладан:</p> <p>девлат ҳокимияти ва бошқаруви органлари томонидан жисмоний ва юридик шахслар вакиллари, маҳаллий ўзини ўзи бошқариш органлари, оммавий ахборот воситалари вакилларининг ахборот олиш борасидаги хуқук ва мажбуриятлари ҳақида хабардорлигини ошириш бўйича тадбирлар ўтказиш;</p> <p>девлат ҳокимияти ва бошқаруви органлари томонидан бошқарув қарорларини ишлаб чиқиш ҳамда амалга оширишда фуқаролар, жамоат берлашмалари ва тадбиркорлик субъектларининг иштирокини, уларнинг фикр ва мулоҳазаларини ҳисобга олган ҳолда, таъминлаш имкониятини яратиш, доимий ахборот ва мулоқот тизимини йўлга қўйиш;</p> <p>девлат ҳокимияти ва бошқаруви органлари томонидан ўз йўналишларидан келиб чиқсан ҳолда бажариладиган ишларнинг ҳолатини танқидий баҳо бериш</p>	Комплекс чора-тадбирлар режаси	2021 йил сентябрь	Ахборот ва оммавий коммуникациялар агентлиги, Маҳалла ва оиласи қўллаб-куватлаш вазирлиги, Иқтисодий тараққиёт ва камбағалликни қисқартириш вазирлиги, Стратегик ва минтақалараро тадқиқотлар институти, «Юксалиш» умуммиллий ҳаракати, «Мадад» ННТ, манфаатдор вазирлик ва идоралар, нодавлат нотижорат ташкilotлари

	имкониятини яратиш, бунда давлат органлари ҳузуридаги жамоатчилик кенгашлари фаолиятини самарали равиша йўлга қўйиш, шу жумладан кенгашнинг таркибини шакллантиришда аксарият аъзоларини тажрибага эга бўлган маҳаллий ва чет эллик эксперталар, олимлар ва бошқа алоқадор ташкилотлар вакилларидан ташкил топишини таъминлаш.			
13.	<p>«Хукуматнинг очиқлиги» омили (Open Government Factor, WJP Rule of Law Index) бўйича мамлакатнинг ўрнини яхшилаш мақсадида қўидаги йўналишларда комплекс таҳлил ўтказиш ва натижаси бўйича ташкилий чора-тадбирлар дастурини ишлаб чиқиши:</p> <p>қонун хужжатлари ҳамда давлат ҳокимияти ва бошқаруви органларининг фаолияти тўғрисидаги ахборотни эълон қилиш ҳолати;</p> <p>жисмоний шахслар ва юридик шахс вакилларининг давлат ҳокимияти ва бошқаруви органлари фаолияти тўғрисидаги ахборотлардан фойдаланиш хукуқи билан таъминланганлик ҳолати;</p> <p>давлат ҳокимияти ва бошқаруви органлари фаолиятининг очиқлигини таъминлаш соҳасида фуқаролик жамияти институтларининг иштироки;</p> <p>давлат ҳокимияти ва бошқаруви органлари томонидан очиқлик тўғрисидаги қонун хужжатлари бузилганлик юзасидан шикоят қилиш механизмлари жорий этилганлиги ва қўлланилиши ҳолати.</p>	Ташкилий чора-тадбирлар дастури	2021 йил сентябрь	Коррупцияга қарши курашиш агентлиги, Адлия вазирлиги, Молия вазирлиги, Ахборот ва оммавий коммуникациялар агентлиги, Стратегик ва минтақалараро тадқиқотлар институти, «Юксалиш» умуммиллий ҳаракати, манфаатдор вазирлик ва идоралар

Изоҳ: Норматив-хукукий ҳужжатлар заруратга қараб, тегишли хукукий муносабатларни тартибга солиш соҳаси ва предметига кўра, ягона ҳужжатга бирлаштирилиши ёки қайта кўриб чиқилиши мумкин.

(Конунчилик маълумотлари миллий базаси, 17.06.2021 й., 06/21/6247/0563-сон)